

Jainoašh moa nete šhabáquetian jošhon, jahuen papa qeshana iqui: -Ošhašhonra, en biamaque, papá -aquin.

Jainšhon jahuen chiní baque raanribia iqui. Ja baquen boá iqui, tampóra, šhomošh, guitárta, ja ošhacasquin atibo. Cašhonqui, ja baquen coirana iqui. Moa ošhacasquin jahuen bompo timaa iqui, jainšhon jahuen guitárraribi. Jascatašh moa nete šhabáti ochómaqui, ani joé joá iqui, bimi shinan. Jošhonqui, ja bimi biaitian, yatanquin jahuen jinabichores, bichina iqui. Jatian moa nete šhabáquetian, beá iqui jahuen papa oinmati. Bešhon, oinmaqui jahuen papa queenyoraa iqui, ja isá bicasi.

Jainšhon jahuen requen baque yoiribia iqui: -Ramara mia cai ja isá benai. Bišhon, betanhue -acá iqui.

Jatian ja baque caa iqui. Moa bariapan senenquetian, pí yacata iqui. Jain iquenbi, mašhó joá iqui. Jošhon, yoia iqui: -Eara picáshorai, ea min piti paguešh menihue -aquin.

Jainoaqui ja baquen yoia iqui: -Enra mia meniamai -aquin.

Jatian mašhocan yoiribia iqui: -Ea meniamaašha, mia mahuati cai -aquin. Jascatašh ja baque caríbaa iqui. Ja bain caaitian, ani inon piá iqui.

yoiribia iqui: -Bariapanra jahuen ibo moa ošhaa icai. Manáparinon ahué -aquin, acá iqui.

Moa bariapan senenquetian bocana iqui. Bošhon, oincana icá iqui, moa ošhaa. Jahuen bero icá iqui joebires, jahuen šheta nenqué, ošhaa icá iqui, jihui tapon naman. Jainšhon oincana icá iqui bochiqui ja isá yacata, mescoti behuai, ja patašh nihue cabáyo. Jainoašh ja jihui namanbi icá iqui, queyóyosma šheati yacata. Jaaqui ja baquen biá iqui. Jainoašh ja mašhó neeta iqui, ja isá shinan. Jatian paquea iqui, ja nihue cabáyoribi paquea iqui. Jascasšh mašhó joríbaa iqui, paqueti. Jatian mašhó nihue cabáyonin joá iqui, ja baquebiribi isacanbi joá iqui, jainšhon quempo mašhcoshocn šheati beá iqui, ja baquen.

Jatian moa ochó becanquetian, jahuen ibo moa besoa iqui. Jainšhon jahuen jahuéquibo rotoa iqui. Jainšhon jato chibana iqui. Moa jahuen ibon jato nocoyoraa, mašhocan ja baque yoia iqui: -Nenobi jonénon ahué. En nato cabáyo ani šhobo picobanon, nato isá, atapa baqueya abánon. Mia yosishoco quescá ihué -aquin acá iqui.

Jatian moa mašhó joneta iqui. Jascáquenbi, moa jahuen ibo nocótoshita iqui. Jošhon,

Moa basi manatabi joyamaitian, jahuen chiní
baque raanribia iqui, jahuen huetsa benati.
Jainoašhqui ja baqueshoco caa iqui. Caašhqui,
jahuen huetsa iantanainribi, pií yacata iqui.
Jain iquenbi, mašhó joríbaa iqui. Jošhon ja
baque yoiribia iqui: -Eara picasai, min piti ea
menihue -aquin. Jatian ja baquen menia iqui.

Jainšhonqui mašhocan yocata iqui:
-Jahueranoqui mia cai? -aquin.

Jascaa ja baquen yoia iqui: -Nocon papan
raana caira ea iitai, isá joébiures benati
-aquin, ja baquen acá iqui.

Jatian mašhocan yoia iqui: -Minra merati
atipanyamaque, miabicho išhon. En mia bobánon,
ja isá onanmaquin, miara ani inobaon binaque.
Moa min huetsa inon biá riqui. En mia bišhoni
cabánon ja isá -aquin mašhocan acá iqui.

Jascatašh ja baque mašhó betan caa iqui.
Caquin, mescó jihuibo huino huinoboa iqui,
nato joshin peia jihui, yancon peia jihui,
jošho peia, panshin peia. Jascarabo huino
huinoboašh, nocócana iqui ani ian quešhá.
Jainšhon mašhocan yoia iqui: -Queiba riqui
ja isá, ani jihuín peyacaa riqui. Icašhbira noa
jan shitáti yamaque, en capé quenabanon -aquin.

Jascáašhon ani capé quenaa iqui. Jascatašh
jan shitácana iqui, queiba. Moa nocóšhon,

Ahuá betan chosco baqueranon inf

Ahuacan ronqui bimpish namanšhon, jahuen nonti tatenique. Ja aataitianqui, chosco baqueranonqui joá iqui, neešhon bimpish cocoi.

Jainoaqui bimpish bimin, ahuá tsacacana iqui, manšhonbinaqui. Jatian sinášhon ahuacan, bimpish jamata iqui, jascas bimpish šhonoa iqui. Jascatašh, jonibo bochiqui baneta iqui, paquéti atipanyamaašh. Jainšhon šhono pei tsecacana iqui, jayá paquéti.

Jainoašh jimacana iqui, jascášhon šhono pei natešhašh, jayá paquécana iqui. Huestíora huestíorabo, maani queyócana iqui. Paquetašh, jaquiribi jonišhon, ahuá chibancana iqui, retenošhon. Bošhonqui, nocošhon, retešhon picana iqui. Ja ahuá retebainni bošhonqui, ian meracana iqui. Jan queiba shitánošhonqui, nešhnéšh nonti yocácana iqui: -Min nonti noa bešhonhuen, chaí -acana iqui. Jatian jato bešhona iqui, huestíora, capetan ehua, ja icá iqui, jahuen nonti.

Jascatašhqui, jan shitácana iqui. Moa queiba nocóšhonqui, jato yoia iqui, jahuen ibon: -Jaconshamanašh, paquécanhuen -aquin.